



COMUNE DE ISCANU
Provìntzia de Aristanis

Prot. n° 1653

ARGUMENTU: Cuncursu de Poesia Sarda “Antoni Piludu” – Annu 2008

S’Amministratzione comunale de Iscanu, paris cun s’Ufitziu de sa Limba Sarda e cun sa Consulta pro sa Limba e sa Cultura Sarda, tenet su praghere de L’invitare a su cuncursu de poesia sarda “Antoni Piludu”, fundadu in su 1984 e chi ocannu arribat a sa de XVII editziones.

Cun s’isperu de àere fatu cosa agradessida, L’invitamus a partetzipare e li mandamus in allegadu su Bandu cun sas normas pro su cuncursu.

Saludos coriales

Iscanu, 13/05/2008

SU SÌNDIGU
(*Antioco G. Manca*)

CUNCURSU DE POESIA SARDA "ANTONI PILUDU" - ANNU 2008
XVII° EDITZIONE

BANDU DE CUNCURSU

Su Comune de Iscanu, paris cun s'Ufitziu de sa Limba Sarda e cun sa Consulta pro sa Limba e sa Cultura Sarda, bandit sa de XVII editziones de su cuncursu de poesia sarda "Antoni Piludu".

NORMAS DE PARTETZIPATZIONE

Benint amittidas a su cuncursu sas òperas iscritas in cale si siat variante de sa limba sarda. Pro totu cantas bi cheret una tradutzione.

ART. 1

Su cuncursu est articuladu in 3 setziones:

Setzione 1: Poesia in rima a tema liberu;

Setzione 2: Poesia in versos liberos a tema liberu;

Setzione 3: Poesia o prosa pro sos pitzinnos de sas iscolas Elementares e Mèdias de Iscanu. Tema de custa setzione: *S'istoria o sas Paristòrias de Iscanu.*

ART. 2

Si podet cuncùrrere a ambas setziones cun un'òpera ebia. Si racumandat de respetare su limite de 40 versos. Est pretzisu de non nche colare sos 50.

ART. 3

Sas òperas, datiloscritas o iscritas a 'stampatello', cherent presentadas in 7 còpias craras e fatziles a lèghere. Chie lu podet fàghere est pregadu de nche mandare sos cumponentos finas in formadu digitale (floppy disk o CD).

Sos elaborados non cherent firmados, tocat de bi pònneru unu paranùmene in fundu. Sas generalidades (nùmene de s'autore, indiritzu e nùmeru de telèfono, e in prus su paranùmene) cherent postas a banda, in busta sigillada posta in intro de sa busta manna.

Sos cuncurrentes devent iscritiere in sa busta de fora a cale setzione partetzipant.

ART. 4

Sas òperas cherent inèditas e mai premiadas in àteros cuncursos leteràrios. Sas òperas presentadas, chi non benint torradas, non sunt vinculadas dae perunu deretu de autore e sos elaborados ant a abarrare de propiedade de su Comune de Iscanu, chi los at a pòdere impreare pro cale si siat iscopu culturale sena cumpensu perunu pro sos autores. In casu de publicatzione sa Giuria si riservat su deretu de fàghere eventuales curretziones ortogràficas.

ART. 5

Sa busta cun sos elaborados cheret imbiada pro mesu de servìtziu postale cun afrancamentu normale intro de su 16/06/2008 (l'at a documentare su timbru postale) a s'indiritzu chi sighit: COMUNE DI SCANO MONTIFERRO - UFFICIO DELLA LINGUA SARDA - PIAZZA MONTRIGU DE REOS S.N. - 09078 SCANO MONTIFERRO (OR).

In sa busta bi cheret iscritu: XVII° CONCORSO DI POESIA SARDA "ANTONI PILUDU" - SEZIONE N° ____.

ART. 6

Sas òperas ant a bènnere giudicadas dae una Giuria apòsita de espertos (numenada dae sa Giunta comunale), e su giuditziu est insindacàbile.

ART. 7

Ant a bènnere premiados sos primos 3 classificados de ogni setzione.

Sas premiatziones s'ant a fàghere, cun probabilidade, in su mese de austu in su teatru "Nonnu Mannu" de Iscanu.

S'Amministratzione comunale at a fàghere connòschere sa data de sas premiatziones pro mesu de istampa.

ART. 8

Pro partetzipare a su cuncursu non si pagat nudda e sa partetzipatzione cumportat sa connoschèntzia e su cunsensu a custu Bandu.

Iscanu, 07/05/2008

Bortadu in <i>Limba Sarda Comuna</i> dae s'Ufìtziu de sa Limba Sarda de Iscanu
